



Bosna i Hercegovina  
Federacija Bosne i Hercegovine  
**Kantonalno tužilaštvo**  
**Kantona Sarajevo**

**Broj: T09 0 KT 0174890 22**  
**Sarajevo, 14.11.2024.godine**

**OPĆINSKOM SUDU U SARAJEVU**  
**Sudiji za prethodno saslušanje**  
**SARAJEVO**

Na osnovu člana 45. stav (2) tačka i) i člana 241. stav (1) Zakona o krivičnom postupku Federacije BiH, podižem:

**O P T U Ž N I C U**

**Protiv:**

**ZORAN ČEGAR**, rođen 1959. godine, nastanjen u Sarajevu, ul. ...., po narodnosti Hrvat, državljanin BiH i R. Hrvatske, završena VSS, po zanimanju policijski službenik, zaposlen, oženjen, otac troje djece, služio vojni rok, čin desetara, odlikovan, lošeg imovnog stanja, JMB ....., **neosuđivan**

**Što je:**

1. Dana 10.01.2022. godine, oko 10,10 sati, u Sarajevu, u ulici Tabaci ....., općina Stari Grad, kao policijski službenik Federalne uprave policije, Federalnog ministarstva unutrašnjih poslova, raspoređen na radno mjesto Glavni inspektor- načelnik Sektora uniformisane policije, rješenjem broj ..... od 24.07.2015. godine, prišao radniku na parking prostoru na navedenoj adresi, A.F., gdje je ranije zajedno sa kolegama parkirao službeno pmv registarskih oznaka ....., te nakon što ga je A.F. pitao zašto je parkirao službeno pmv na način da je zagradio vozilo na parking, istom je rekao da se odmakne, te mu zatražio dokumente, govoreći da će ga procesuirati, pa nakon što mu je A.F. rekao da nema dokumente, došlo je do međusobnog raspravljanja između njih dvojice, povodom čega je Zoran Čegar, postupajući suprotno članu 27. stav 1. Zakona o policijskim službenicima F BiH (Službene novine F BiH, broj: 27/05), kojim je propisano da policijski službenik može upotrijebiti silu samo kada je to prijeko potrebno i isključivo u mjeri potrebnoj radi ostvarenja zakonitog cilja, kao i članu 3. stav 2. i 9. Pravilnika o upotrebi sile (Službene novine F BiH, broj: 60/05), propustio da ublaži napetu situaciju, što je bio dužan, već je, iako to nije bilo neophodno i isključivoj mjeri potrebno radi izvršenja službene radnje, svjestan da ga A.F. nije napao i da upotrebom fizičke snage može ugroziti tjelesni integritet i ljudsko dostojanstvo, što je i htio, istog više puta otvorenim dlanom udario u predio lica, a kojim postupanjem je ugrozio i povrijedio tjelesni integritet i ljudsko dostojanstvo A.F.
2. Dana 13.07.2022. godine oko 16,00 sati, u Sarajevu u ulici Pruščakova ....., općina Centar, nakon kraće verbalne prepirke i nakon što je H.D. ušao u svoje parkirano vozilo marke Opel ....., registarskih oznaka ....., prišao navedenom vozilu, pa kroz otvorena vrata dok je H.D. sjedio na mjestu vozača, svjestan da nanošenjem udaraca može

H.D. prouzrokovati lake tjelesne povrede, što je i htio, istog stisnutom pesnicom udario u predjelu glave, da bi potom zamahnuo rukom prema glavi H.D., pa kako se ovaj izmakao zakačio ga zamahnutom rukom u predjelu ramena, uslijed čega je feder od rajsferšlusa jakne iskočio prema licu H.D., kojom prilikom je H.D. zadobio lake tjelesne povrede u vidu crtaste oguljotine kože desne čeon- slijepoočne regije glave i natučenja kože lijeve čeone regije glave,

**Dakle**, pod tačkom 1. Optužnice kao službena osoba u obavljanju službe drugog zlostavio i pod tačkom 2. Optužnice drugog lako tjelesno povrijedio

**Čime je**, pod tačkom 1. počinio krivično djelo Zlostavljanje u obavljanju službe iz člana 182. KZ F BiH i pod tačkom 2. počinio krivično djelo Lake tjelesne povrede iz člana 173. stav 1. KZ F BiH a sve u vezi sa članom 54. istog Zakona.

**KANTONALNI TUŽILAC**